

جریده علمیہ

مشیت جلیلمہ اسلامیہ نمک جریدہ علمیہ پیدر

ذی القعدہ ۱۳۳۶

عدو: ۳۷

آیدہ بر نشر اولنور

دردنجی سنہ

قوانین و نظامات

محمد وحید الدین

مجلس مشایخ نظامنامه سی

[تقویم وقایع ایله نشری تاریخی : ۹ شوال ۱۳۳۶ و ۱۸ تموز ۱۳۳۴ - نومبر ۱۳۲۹۶]

برنجی فصل

مجلس مشایخ رئیس و اعضاسنک انتخاب و تعیینلرینه دائر

ماده : ۱ — مجلس مشایخ رئیس و اعضا لقه مقام مشیختک انتخاب و عرضیله بین المشایخ علم و فضیلت و عرفان و بصیرت ایله معروف و خصال حمیده ایله موصوف ذوات بااراده سنیه نصب و تعیین اولنور .

ماده : ۲ — بالجله تکایا و زوایا مجلس مشایخه مربوطدر . مجلس مشایخ بونلردن دارالخلاقه العلیه ده بولنانلرک معاملاتى دوعروندن دوعرویه و طشره ده بولنانلرک معاملاتى محلی انجمن مشایخلری معرفتیه ایفا ایدر .

ماده : ۳ — مقام مشیختجه تنسیب ایدیلرک ولایت ولواوقضا مرکز لرند مقتیلرک ریاستی آلتنده ایکی اعضادن مرکب برر انجمن مشایخ بولنور . بوانجمنک اعضاسی مفتینک ریاستی آلتنده اجتماع ایدر . علما و مشایخ محلیه طرفندن محلی مشایخی ایله طرق علیه منصوب حسن حال و کمال اربابی میانندن انتخاب ایدیلور .

ماده : ۴ — انجمن مشایخلر اشبو نظامنامه ایله مجلس مشایختک تعلیمات و مقرراتی دائره سنده حرکت ایدرلر .

ایکینجی فصل

مجلس مشایخ ایله انجمنلرک وظیفه و صلاحیتلرینه دائر

ماده : ۵ — تکایانک اهمیت موقعیه سی و آیندکان و روندکانی و خدمات عمومیه سی

اعتباریله صنوف و درجانه تقسیمي و مشایخه عائد سبجل احوالك تنظیمي و تکایا و زوایایه متعلق و قفیه لرك قيد و حفظي و بونلرك تدقیق و تطبیقی مجلس مشایخك جمله وظائفند .

ماده : ۶ — مجلس مشایخ اعضاسندن اولمق اوزره اوج ذاتدن مرکب بر انجمن علمی وارد . بوانجمنك اعضاسی مجلس مشایخ طرفندن برسنه مدته انتخاب اولنور . ختام مدته تکرار انتخابری جائزدر .

ماده : ۷ — انجمن علمینك وظائفی مسالك جلیله صوفیهك تربیه دینی و فیوضات معنویه سندن امت اسلامیةك مستفید اولسی تأمین ایدهك صورتده تکایاده الیوم جاری اصول و آداب و آیین و سیر و سلوك اساسات قدیمه سی احیا و متفکرین نظرند مسالك و معارف صوفیه یی اعلا ایدهك و تکایاده مابه التطبيق اوله جق مسائل علمیة ایله اشتغال ایتمکدر .

ماده : ۸ — انجمنك آثار علمیة و اداریه سی هیئت عمومیهك قبولنه و مقام مشیختك تصدیقه اقتران ایلدکن صوکره جریده علمیة ایله نشر اولنور .

ماده : ۹ — تولیت مستثنا اولمق اوزره تکایا و زوایایه عائد بالعموم جهات علمیة و بدنیةك توجیه و رفی و طالبلرك اجرای امتحانی و اوراق امتحانیة لرينك تدقیق حقنده ۲ رمضان ۱۳۳۱ و ۲۳ تموز ۱۳۳۹ تاریخی توجیه جهات نظامنامه سی ایله شورای اوقافه و اوقاف اداره لرینه مودوع وظائف استانیولده مجلس مشایخ و طشرده انجمن مشایخ طرفندن نظامنامه مذکور احکامنه توفیقاً ایضا اولنور .

ماده : ۱۰ — اوراق امتحانیة بوبابده تنظیم ایدیهك مضبطه مسوداتیله برلکده محللری انجمن مشایخ ریاستلرنجه حفظ اولنور . لدی الحاجة بو اوراق مجلس مشایخ طرفندن جلب و تدقیق اولنه یلور .

ماده : ۱۱ — انجمن مشایخلر طرفندن تنظیم ایدیهك مضابط توجیه تدقیق و تصدیق ایدلک اوزره مجلس مشایخه کوندریلور . اشبو اوراق مجلس مشایخده بالتدقیق قوانین و نظاماته و قیود موجوده و شروط و واقفه و اصول مقررده مطابق کوریلنلر تصدیق اولنور . مخالف و یا ناقص کوریلانلر تصحیح و اکمال ایدلک اوزره اعاده ایدیلور .

ماده : ۱۲ — مجلس مشایخك تصدیقه اقتران ایدن جهتنك مضبطه لری مقام مشیختك اشارتی اوزرینه اوقاف نظارتنه کوندریلور . اوقاف نظارتندن قیدلری تسویه

ولازم ککن براتلر و وثیقه‌لر بانتس طیر اصحابنه ویرملک اوزره محلی اوقاف اداره لرینه ارسال ایدیلور و نظارت نامه اعطاسی لازم ککن و نائیک ویرلمسی ایچون محلی اوقاف اداره لرینه امر اولنور .

ماده : ۱۳ — بلاعذر شرعی خدمتی منتظماً ایضا ایتمه کی اعتبار ایدنلرک عهده لرنده کی جهات مجلس مشایخک قراریه رفع اولنور . بو خصوصده مجلس مشایخجه بر تعلیمات نامه تنظیم اولنه جقدر .

ماده : ۱۴ — جنایت ویا مغل ناموس جنحه ایله محکوم اولوب علیه لرینه ویریلان حکم کسب قطعی ایدنلرک عهده لرنده کی جهات مجلس مشایخ طرفدن رفع اولنورق نظامنه توفیقاً آخره توجیه ایدیلور . بو وجهله محکوم اولوبده علیه لرنده صادر اولان حکملر کسب قطعی اتمه مش بولنانلرله جرائم سائردهن طولانی محکوم علیه اولانلرک مدت موقوفیت و محبوسیتلرنده برلرنده وکیل استخدام اولنور . بو حالده جهته عائد وظیفه نک نصفی اصله و نصف دیگر ی ده وکیله اعطا ایدمک اوزره اوقاف نظارتنه کیفیت بیلدیریلور .

ماده : ۱۵ — اول دردیجی ماده ده محرر اسبابدن ماعدا ارباب مهاته شرعاً موجب عزل احوال دن برینک اسنادنه کیفیت انجمن مشایخلرجه عرض و عمیق تحقیق ایدیلرک صاحب جهتک وسائر ایجاب ایدنلرک افاده لری آلدقدن صکره موجب عزل کوریلان فعلک تحقیق حالده هیئت مذکور طرفدن صاحب جهت عوقتاً خدمتدن منع اولنورق اولوباده کی اوراق تحقیقیه الیک پوسته ایله مجلس مشایخه ارسال اولنور . مسئله مجلس مشایخده بعدالتدقیق اسنادات واقعیه نک صحتی و فعلک شرعاً موجب عزل اولدینی تصدیق ایدلدیکی حالده عهده سنده کی جهت رفع ویرینه علی الاصول دیگر ی تعیین اولنور .

اوچنجی فصل

تکایا حقنده در

ماده : ۱۶ — تکایا ایکی قسمدر . بری تکایای رسمیه دیگر ی تکایای خصوصیه در . تکایای رسمیه مؤسسات موقوفه دن بوجه حسبی یا خود موظفاً منصوب مشایخ طرفلرندن

اداره اولنان تکیه لر در . تکایای خصوصیه طرق علیه دن مستخاف ذواتک تصرفلر نده بولنان و آیین طریقک اجرایی ایچون کندیلرنجه تکیه اتخاذ ایدیان اما کندر .

ماده : ۱۷ — تکایای رسمیه هر وجهله مجلس مشایخه تابعدر . تکایای خصوصیه متصرفلری دخی اجرای آیین و تلقینات مأنوزه کی اصول و آداب طریقه طائولان بالجهله خصوصاً نده مجلس مشایخک تعلیمات و مقرراتنه رعایته مجبوردرلر .

ماده : ۱۸ — اشبو نظامنامه یوم نشرینک فرداستدن اعتباراً مرعی الاجرادر .

ماده : ۱۹ — اشبو نظامنامه نک اجراسنه شیخ الاسلام و اوقاف ناظری مأمورددر . اشبولا یحه نظامیه نک موقع مرعیه وضعی و نظامات دولته علاوه سنی اراده ایلدم .

۶ شوال ۱۳۳۶ و ۱۵ تموز ۱۳۳۴

شیخ الاسلام و اوقاف هایون ناظررکیلی	صدر اعظم و داخلیه ناظری و مالیه ناظری و کیلی
موسی کاظم	محمد طلعت
عدلیه ناظری و شورای دولت رئیسی	بحریه ناظری
خلیل	احمد جمال
پوسته و تلغراف و تنهون ناظری	تجارت و زراعت ناظری
حسین هاشم	مصطفی شرف
	علی منیف

★
★ ★

معزولیت و یا قاذرو خارجی معاشی آلانلرک بلامأذونیت محل آخره

کیده ماملری حقیقده قانون

[تقویم و قایمه نشری ۵ رجب ۱۳۳۶ ۱۸ نیسان ۱۳۳۴ تومروسی ۲۲۱۴]

ماده : ۱ — معزولیت و قاذرو خارجی معاشی آلانلر معاشلرینک مخصص و یا محمول اولدینی یرلردن دیکر بر محله کیتمک ایستدکلری حالده کیده جکلری محلی تعیین ایله منسوب اولدقلری نظارت و دائره لره تحریراً اخباره مجبوردرلر بومثللو معزول و قاذرو خارجی مأمورلر بولندقلری محالدرده منسوب اولدقلری نظارت و دائره لرک امرینه تابعدرلر . خلاقی حرکتده بولنانلرک برنجی دفعه سنده بر معاشی و ایکنجه دفعه سنده ایکی معاشی و اوچنچیسنده تمامی قطع اولنور .

ماده : ۴ اشبو قانون تاريخ نشرندن اعتباراً مرعى الاجرادو .

ماده : ۳ اشبو قانونك اجراسنه هيئت وكلا ماموردو .

مجلس اعيان ومعاونتجه قبول اولنان اشبو لايحهك قانونيتنى وقوانين دولته علاوه سنى

اراده ايلدم .

۲۹ جاذى الاخره ۱۳۳۶ ۱۱ نيسان ۱۳۳۴

محمد رشاد

حريه ناظرى شيخ الاسلام و اوقاف هايون ناظر و كلى صدر اعظم و داخله ناظرى

محمد طلعت

موسى كاظم

انور

ماليه ناظرى عدليه ناظرى و شوراي دولت رئيسى خارجيه ناظرى بحريه ناظرى

احمد جمال

احمد تسييمى

مذليل

مباريه

پوسته و تلفراف و تلفون ناظرى تجارت و زراعت ناظرى نافع ناظرى و معارف ناظر و كلى

عنى منيف

مصطفى شرف

مسين هاشم

[۱۱ رمضان ۱۳۳۱ و ۱۱ آگستوس — ۱۳۳۹ تاريخلى قانون موقتى تعديللاً مصدق در]



تصحيح : اوتوز آلتىجى نسخهك (۱۰۷۷) نجى صحيفه صنده مندرج دارالحكمة الاسلاميه
حقنده كي قانونك برنجى ماده سنك اوچنجى سطر نده كي (بوجه ايله) (بودجه ايله) اوله جقدر

